



Adi Škaljić, vijećnik

Bosna i Hercegovina - Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRILUŽENO: 07 JAN 2022			
Org. jed.	Broj	Prilog	Vrijednost
01	GV-04	02/22	

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti: Komisija za izbor i imenovanja Gradskog vijeća Grada Sarajeva

PREDMET: PRIJEDLOG ZA DODJELU NAGRADE GRAHAM BAMFORD

Poštovani_e,

Na osnovu članova 12, 13 i 14. Odluke o priznanjima i nagradama Grada Sarajeva, Komisiji za izbor i imenovanja upućujem prijedlog da se Nagrada Graham Bamford, koja se dodjeljuje pojedincima, građanima Bosne i Hercegovine i stranim državljanima, za iskazanu izuzetnu građansku hrabrost, solidarnost, humanost i altruizam. dodijeli Husi Sinanoviću.

Podnosilac prijedloga – Adi Škaljić, gradski vijećnik

Vrsta nagrade – Nagrada Graham Bamford

Kandidat – Huso Sinanović

Kratka biografija kandidata: Rođen je 3.2.1987. godine u Srebrenici. Padom Srebrenice doselio je u Općinu Vogošću, gdje i danas živi. Završio srednju saobraćajnu školu u Sarajevu. Oženjen je i otac dvoje maloljetne djece.

OBRAZLOŽENJE:

Dana 28.12.2021. godine kandidat se vraćao kući s teškog rada. Na mostu u Semizovcu, uočio je grupu ljudi. Vidio je muškarca kako trči prema benzinskoj pumpi na kojoj je bilo policijsko auto. Zanimalo ga je šta se događa. Zaustavio je automobil i prišao ljudima da pita šta se događa. Oni su mi pokazali na rijeku gdje je da voda nosi djevojčicu. Rekao je "hajde da je pokušamo spasiti" i potrčao prema obali rijeke. S obzirom na težinu terena, morao se spustiti niže i iza kuće pored jednog mosta sići do obale rijeke.

Pronašao je dovoljno dugo drvo, kako bi se ona uhvatila. Našao ga je i dobacio djevojčici. Međutim, ona nije imala snage da se dovoljno čvrsto drži. Bila je i promrzla i plakala je. Čuo je kako ga doziva i govori "Pomozi mi, odnijet će me voda". Nije gubio glavu i nastavio je tražiti način da je spasi. Uhvatio se za granu vrbe, ušao u rijeku i privukao djevojčicu sebi. Uhvatio je za ruku i izvukao na obalu. Huso je spasio život šesnaestogodišnje djevojčice.

Adi Škaljić
vijećnik Kluba Naše stranke

Sarajevo, 7.1.2021.